



Broj: 02-04-2374/23-AP-3  
Datum: 21.12.2023. godine

GRADSKO VIJEĆE ZAVIDOVIĆI  
n/r PREDSEDAVAJUĆEM GRADSKOG VIJEĆA  
Admir Fojnica, prof.

PREDMET: Odgovori na vijećnička pitanja sa 19. sjednice Gradskog vijeća Zavidovići održane 14.11.2023. godine, dostavljaju se

Povodom vijećničkih pitanja postavljenih na 19. sjednice Gradskog vijeća Zavidovići održanoj 14.11.2023. godine, dostavljamo odgovore na iste kako slijedi:

#### 1. VIJEĆNIČKO PITANJE VIJEĆNIKA AJDINA POLIĆA

Vijećnik Ajdin Polić: Poštovani,

U skladu sa članom 8., 87. Poslovnika o radu Općinskog vijeća Zavidovići, postavljam vijećničko pitanje:

Obzirom da sam na 12. sjednici GV-a održane dana 05.04.2023.godine podnio nekoliko inicijativa, neke od njih nisu nikada došle na dnevni red, s tim u vezi, upućujem pitanje službi zašto iste nikada nisu obrađene?

Odgovor zahtijevam pisanim putem od nadležne službe.

##### **Obrazloženje**

Dana 05.04.2023.godine na 12. sjednici GV-a, podnio sam nekoliko inicijativa, međutim Inicijativa da se za gradske programe poticaja traži mišljenje Razvojne agencije Zavidovići, Inicijativa za uspostavljanje nove poslovne zone Potklečka polja- Rasadnik kao i Inicijativa za uspostavljanje nove industrijske zone Kučice, do danas nisu bile na dnevnom redu sjednica.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-2406/23-AP-6 od 21.12.2023. godine): U skladu sa članom 171.a Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Predsjedavajući Gradskog vijeća Zavidovići, aktom broj: 01-04-843/23-AP-12 od 05.04.2023. godine, dostavio je vijećnička pitanja i inicijative sa 12. sjednice Gradskog vijeća, održane dana 05.04.2023. godine, na obradu.

U skladu sa članom 171.a Poslovnika o radu Gradskog vijeća Zavidovići – novi prečišćeni tekst, Stručna služba Gradskog vijeća nije zaprimila stavove po navedenim Inicijativama vijećnika Ajdina Polića i iste nisu ni dostavljene Gradskom vijeću na izjašnjanje.

## 2. VIJEĆNIČKO PITANJE VIJEĆNIKA HASIBA HUSKIĆA

Vijećnik Hasib Huskić: Na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: U čijoj nadležnosti je održavanje pješačke staze na šetalištu pored rijeke Bosne na potezu od „Bosanskog mosta“ do mosta „Duga“. Obzirom da je trenutno stanje klupa za sjedenje takvo da su skoro pa neupotrebljive, aprema onome što sam vidio nije potrebno puno novčanih sredstava da se iste osposobe. Cilj mi je da putem ovog pitanja iniciram da se iste dovedu u ispravno stanje.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-21/23-AP-292 od 29.11.2023. godine): Programom utroška sredstava iz Budžeta Grada Zavidovići za održavanje javnih površina i zimsko održavanje gradskih, prigradskih ulica i javnih površina za 2023. godinu broj: 08-11-202/23-AP-2 i prijedlogom rada za 2023. godinu planirano je održavanje popločanog dijela korita rijeke Bosne. Programom je predviđeno i održavanje klupa kao dio ukupnih poslova na održavanju javnih površina prema Odluci o standardima komunalnih usluga i mogu se finansirati iz ovih sredstava ukoliko se ukaže potreba i procijeni da ima dovoljno sredstava na raspolaganju. U narednom periodu izvršit će se pregled stanja na terenu, te u zavisnosti od raspoloživih sredstva, izvršiti i sanacija.

## 3. VIJEĆNIČKO PITANJE VIJEĆNIKA SAMIRA SKEJIĆA

1. Vijećnik Samir Skejić: Obzirom na nezvaničnu informaciju da je u pripremi ugovor sa državom Italijom o odlaganju krutog otpada na području Grada Zavidovići tražim potpuniju informaciju o vrsti otpada čije deponovanje se planira, količini otpada te informaciju o lokalitetu planiranom za deponovanje navedenih materijala. Ukoliko su informacije o navedenoj problematici tačne zatražit ću i informaciju ko i kad je dogovarao planove o deponovanju.

Odgovor na treće vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-21/23-AP-292 od 29.11.2023. godine): Nikakav ugovor u vezi navedenog nije u pripremi i to je jedina informacija koja je tačna i zvanična. Ne postoje nikakve aktivnosti vezane za bilo kakvo dovoženje i odlaganje otpada na području Grada Zavidovići. Potpisan je sporazum sa Servisno-dokumentacionim centrom za međunarodnu ekonomsku saradnju – INFORMEST sa sjedištem u Gorici (Italija) o realizaciji projekta „Podrška i jačanje dobrih praksi u upravljanju i odlaganju otpada“ broj: 02-11-1669/23-AP-1 od 14.08.2023. godine, a projekat se odnosi na obuku administrativnog i tehničkog osoblja i edukaciju nastavnika i učenika u osnovnim i srednjim školama uz podjelu propagandnog edukativnog materijala.

2. Vijećnik Samir Skejić: Radi cjelovitijeg uvida u statistiku socijalne ugroženosti stanovništva Zavidovića od ustanova koje se brinu o stanovanju i ishrani navedenih kategorija zatražit ću informaciju o broju osoba u stanju socijalne potrebe, njihovoj pripadnosti po dobi, razlozima zbog kojih koriste usluge dobrotvornih društava. Ujedno tražim da se u izvještaj uvrsti i informacija o svim udruženjima, dobrotvornim društvima i drugim nevladinim organizacijama koje provode djelatnosti humanitarnog karaktera na području našeg grada.

Odgovor na četvrto vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-17/23-AP-346 od

13.11.2023. godine): U skladu sa predmetnim pitanjem ova Služba zatražila je odgovor od ustanova i nevladinih organizacija koje se bave djelatnošću humanitarnog karaktera i to:

- JU „Centar za socijalni rad“ Zavidovići,
- HO „MERHAMET“ MDD, Zavidovići,
- OO Crveni križ Zavidovići,
- UG DHD Zavidovići (Udruženje za pomoć socijalno-ugroženim porodicama i pojedincima).

U prilogu akta dostavljamo odgovore navedenih ustanova / organizacija.

#### 4. VIJEĆNIČKO PITANJE VIJEĆNIKA HAKIJE OSMIĆA

Vijećnik Hakija Osmić: Poštovani, postavljam pitanje vezano za upućenu moju inicijativu na jednoj od prethodnih sjednica, prije 4-5 mjeseci, ne znam tačno koja je sjednica bila, ali radi se o Inicijativi da se pristupi jednoobraznom farbanju metalnih stubova javne rasvjete. Vidimo da je u našem gradu šarenilo po tom pitanju, imamo sivih, crvenih, žutih, plavi stubovi itd. Ukoliko se eventualno ne može naći ta inicijativa na stenogramu ili u pisanoj formi, ponovo pokrećem, upućujem tu inicijativu, znači da se što prije, a to je bio ljetni period kada sam tu inicijativu uputio, a evo \_steknu uslovi da se izvrši jednoobrazno farbanje metalnih stubova javne rasvjete u gradskom urbanom području Zavidovića. Jednostavno evo, što sam maloprije rekao da ne bi imali ovo šarenilo. Hvala.

Odgovor na treće vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-21/23-AP-290 od 29.11.2023. godine): Stručna služba Gradskog vijeća, u skladu sa odredbom 109. stav (5) Poslovnika o radu Gradskog vijeća Zavidovići („Službeni glasnik Općine Zavidovići“, broj: 08/2014 i 9/2014), predmetnu inicijativu dostavila je Gradonačelniku na izjašnjenje.

Gradonačelnik, na osnovu člana 109. stav (5) Poslovnika o radu Gradskog vijeća Zavidovići, stava je da se Inicijativa vijećnika Hakije Osmića, „Shodno odredbama o Poslovniku Gradskog vijeća predlažem vijećničku inicijativu Gradonačelniku i nadležnim službama, da se u što skorije vrijeme pokuša uraditi, nisu to značajna finansijska sredstva, farbanje gradskih stubova, gradske javne rasvjete u urbanom dijelu Grada Zavidovići. Mislim da su u značajnoj mjeri metalni stubovi korodirali i da ih evo ovom inicijativom, a i ranije je bilo sličnih inicijativa, da se to pitanje pokrene i da se ti metalni stubovi u gradskom urbanom području Grada Zavidovići prefarbaju, da bi taj prvi dojam svakog prolaznika i onoga koji dođe u grad, a i nas redovnih građana stanovnika Grada Zavidovići koji tu žive svakodnevno da se taj dojam popravi.“ prihvata, ali obzirom da za navedene aktivnosti koje se traže Inicijativom trenutno nisu osigurana finansijska sredstva u Budžetu Grada za tekuću 2023. godinu, inicijativa će se realizirati u narednoj budžetskoj godini kroz planiranje neophodnih sredstava za njenu realizaciju

Odluka Gradonačelnika da prihvati navedenu Inicijativu vijećnika Hakije Osmića sa njenom realizacijom u narednoj 2024. godini je donesena na osnovu činjenice da je za ovakve aktivnosti neophodno planirati sredstva u budžetu za narednu godinu.

#### 5. VIJEĆNIČKO PITANJE VIJEĆNIKA HAKIJE BOŠNJAKOVIĆA

Vijećnik Hakija Bošnjaković: Uvaženi Predsjedniče, Gradonačelniče sa saradnicima, kolegice i kolege vijećnici, građani Grada Zavidovići esselamu alejkum i dobar dan. Evo jedno kratko vijećničko pitanje. Molim gradonačelnika i nadležnu službu da nam dostave Izvještaj koliko je za proteklu godinu za 2022.godinu koncesionih sredstava iz kantona na osnovu naplate

koncesija skinuo Grad Zavidovići i kako su raspoređeni, odnosno kako su utrošena ta sredstva, po kojim mjesnim zajednicama.

Odgovor na vijećničko pitanje (Odgovor je sačinjen na osnovu akta Službe za upravu finansija, budžet i trezor, broj: 05-45-12/23-AP-266 od 30.11.2023. godine): U 2022. godini po osnovu koncesionih naknada koje pripadaju Gradu Zavidovići iz kantona je uplaćeno 203.511,89 KM.

Navedena sredstva su trošena za izgradnju, rekonstrukciju i investicijsko održavanje kako slijedi:

- 551,73 KM sanacija lokalne ceste Mečevići - Pašin Konak,
  - 18.396,54 KM izvođenje radova na nastavku uređenja infrastrukture u naseljenom mjestu „Vučjak“ ulice. „4. manevarski bataljon“,
  - 20.943,00 KM rekonstrukcija lokalne ceste Zavidovići - Gornji Kovači,
  - 30.888,00 KM izgradnja parkinga u ulici „Pinkasa Bandta“ kod zgrade „Samačka“,
  - 13.701,57 KM sanacija stepeništa kod benzinske pumpe „Almy“,
  - 10.000,00 KM rekonstrukcija dijela ulice „Radnička“,
  - 6.965,64 KM asfaltiranje raskrsnice u ulice „Nikola Tesla“,
  - 793,50 KM asfaltiranje pristupnog puta do crkve u naselju Gostović,
  - 6.420,96 KM inženjersko-geološki elaborat za sanaciju klizišta u ulici „Uljički put“,
  - 2.980,00 KM stručni nadzor na izvođenju radova na cesti Alići – Zubić – Dubravica,
  - 3.419,74 KM radovi na rekonstrukciji infrastrukture u naselju „Skroze“,
  - 8.752,82 KM rekonstrukcija i sanacija ulice „Travnička“,
  - 6.122,50 KM rekonstrukcija cestovne infrastrukture u naselju „Potklečje“.
- 129.936,00 KM UKUPNO

Napominjemo, Informacija o utrošku sredstava po osnovu naknade od koncesija u 2022. godini usvojena je na 11. sjednici Gradskog vijeća održanoj dana 28.02.2023. godine.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: \_\_\_\_\_  
(Nermin Čahtarević)